

韜光章第七

天長地久萬古長春天地所以能長且久者陰陽變通以其不自生本無生滅

故能長生不遷不變是以聖人後其身而身先自強不息外其身而身存

成物成已非以其無私耶天地同根故能成其私萬物同體

正陽帝君注曰混沌鑿而兩儀奠何代不有天地何時不有

天地亦何人何物不共戴此天地長莫長於此久莫久於此

所以謂之天長地久而要之天地之所以能長久者以其生

物而無生之之心不自生不自以為生也故能長生萬物聖

人本是以法天地不自有其身而後之不自愛其身而外之

凡所先者皆人之事所自內者皆人之圖乃被其澤者無弗

道藏輯要

道德經解

七 心集一

歸之是不先身而身自先矣外其身而身存矣要其所以致

此者非以其無自私也耶夫惟無私故能成其私其私即家

齊國治天下平之謂王者以此為私非無自私安克以成其

私哉

易性章第八

上善若水性猶水也水善利萬物而不爭隨方逐圓不為物忤處眾人之所惡

以柔處卑居之靜壽故幾於道動微吉先其庶幾乎

正陽帝君注曰道生德德生善善自德生故曰上善其曰若

水者天一生水德運而為善猶氣運而為水也斯二者皆從

無以趨於有是之取譬水利萬物而不與萬物爭功處眾人

之所惡者惡訓忽言眾被其澤而忽而不知其澤此水之所  
以幾於道也而聖人之上善如之

居善地利物無澤心善淵容物有養與善仁生物不盈言善信應物勿爽政善治物化

清平事善能成物曲直動善時順物節度

又曰居善地者言水自高趨下必有歸宿是也非善地而何  
心善淵者其源不窮其流不竭也非善淵而何與善仁者恩  
波廣沛放之皆準是也非善仁而何言善信者導則流塞則  
止也非善信而何政善治者優渥田疇滋潤枯槁是也非善  
政而何事善能者可大可小可短可長是也非善能而何動  
善時者冬則堅凝春則泮釋是也非善時而何而上善與之

道藏輯要

道德經解

八 心集一

同焉此節俱是雙關語雖祇言水而言上善在其中

夫惟不爭卑以自牧故無尤有善無咎

又曰此二語亦承上就水言水言水之所以備諸善者以其  
利萬物而不爭故也夫惟不爭故人皆不得而尤之矣不知  
上善者曷弗取鑒於水哉

運夷章第九

持而盈之不如其已天道虧盈而益謙揣而銳之不可長保地道變盈而流謙

正陽帝君注曰大道惡盈當其盈而用力持之持之是也而  
不免於持之迹矣何如不盈之為貴乎故曰不如其已大道  
戒銳當其銳而揣之揣之是也而不免於揣之心矣揣是強